



ᠮᠣᠩᠭᠣᠯ ᠤᠯᠤᠰ
ᠭᠣᠪᠢ-ᠠᠯᠲᠠᠢ ᠠᠶᠢᠮᠦᠭᠢᠨ
ᠵᠠᠰᠠᠭ ᠳᠠᠷᠭᠢᠨ
ᠵᠠᠬᠢᠷᠠᠮᠵᠢ

**МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ**

2021 оны 03 сарын 15 өдөр

Дугаар А/100

Алтай хот

**Гамшгаас хамгаалах өндөржүүлсэн
бэлэн байдлын үед зохион байгуулалтын
арга хэмжээ авах тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 45 дугаар тогтоол, Улсын Онцгой комиссын 2021 оны 07 дугаар хурлын шийдвэр, аймгийн Онцгой комиссын 2021 оны 12 дугаар хурлын шийдвэрийг тус тус үндэслэн ЗАХИРАМЖЛАХ нь:

1. Аймгийн хэмжээнд засаг захиргаа, нутаг дэвсгэрийн нэгж, төрийн болон нутгийн захиргааны байгууллага, иргэн, хуулийн этгээдийг гамшгаас хамгаалах өндөржүүлсэн бэлэн байдлын зэрэгт шилжүүлсэн хугацааг 2021 оны 03 дугаар сарын 15-ны өдрийн 06:00 цагаас 2021 оны 03 дугаар сарын 31-ний өдрийн 23:00 цаг хүртэл сунгасугай.

2. Халдварын голомт бүхий бүс нутгаас ирж буй иргэд, ачаа тээврийн хөдөлгөөнд тавих хяналтыг сайжруулж, эрсдэл бүхий газраас ирсэн иргэдээс шинжилгээ авч, болзошгүй эрсдэлээс урьдчилан сэргийлж, хүнс, өвс, тэжээл, шатахуун, эм, эмнэлгийн хэрэгсэл, эмнэлгийн яаралтай тусламж, буяны ажил, шаардлагатай албан томилолт зэргийг зөвшөөрч, иргэд, тээврийн хэрэгслийн хөдөлгөөнийг 2021 оны 03 дугаар сарын 15-ны өдрөөс 03 дугаар сарын 31-ний өдрийн 23:00 цаг хүртэлх хугацаанд түр хязгаарлаж, удирдлага зохион байгуулалтаар хангаж ажиллахыг Онцгой байдлын газар (дэд хурандаа З.Баттулга), Цагдаагийн газар (хурандаа Н.Эрдэнэ-Очир), Мэргэжлийн хяналтын газар (Д.Сумъяабазар), Эрүүл мэндийн газар (Ц.Туяа)-т тус тус үүрэг болгосугай.

3. Улаанбаатар хот болон халдварын голомтот аймгаас ирсэн иргэдийг гэр бүлийн гишүүдийн хамт 7 хоног гэрийн ажиглалтад байх, гэр бүлийн гишүүнээс төрийн болон хувийн хэвшилд ажилладаг ажилтныг цахимаар ажиллуулах нөхцөл боломжоор хангахыг сумдын Засаг дарга, байгууллага, аж ахуйн нэгжийн дарга нарт тус тус үүрэг болгосугай.

4. Засгийн газрын тогтоол, улсын Онцгой комиссын шийдвэр, коронавируст халдвар (КОВИД-19)-т цар тахлаас урьдчилан сэргийлэх зорилгоор голомт бүхий бүс нутгаас ирсэн иргэд, олон нийтийг хамарсан хурал, цуглаан хийх, урлаг соёлын тоглолт, спортын арга хэмжээг зохион байгуулахыг хориглосугай.

2.

5.Өндөржүүлсэн бэлэн байдлын үед холбогдох хууль тогтоомжийг мөрдөж, амны хаалт тогтмол зүүх, нэг удаагийн бээлий хэрэглэж хэвших, мэргэжлийн байгууллагуудын зөвлөмжийг дагаж халдвар, хамгааллын дэглэм мөрдөхийг иргэд, аж ахуйн нэгж, байгууллагуудад даалгасугай.

6.Тус аймагт эрсдэлийн үнэлгээ хийсэн улсын Онцгой комиссын ажлын хэсэг бүрэлдэхүүний хоол, унааны зардалд 545,300 (таван зуун дөчин таван мянга гурван зуун) төгрөг, пост, аймгийн шуурхай штабт шаардагдах 6,034,640 (зургаан сая гучин дөрвөн мянга зургаан зуун дөчин) төгрөг, нийт 6,579,940 (зургаан сая таван зуун далан есөн мянга есөн зуун дөчин) төгрөгийг хавсралтад заасны дагуу аймгийн Гамшгийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

7.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Чинбат)-д даалгасугай.

ЗАСАГ ДАРГА



О.АМГАЛАНБААТАР

Аймгийн Засаг даргын 2011 оны
 03 дугаар сарын 15-ны өдрийн 4100 дугаар
 захирамжийн хавсралт

ЗАРДЛЫН ТООЦОО

	Нэр	Зарцуулсан ажил	Хэмжих нэгж	Тоо ширхэг	Нэг бүрийн үнэ	Нийт үнэ
1	Шатахуун	Аймгийн төв дотор гэрийн ажиглалтад байгаа иргэдийг хянах, урьдчилан сэргийлэх шалгалт, төв болон нисэхийн хяналтын цэгүүдэд хоол хүргэх	литр	640	1550	992000
		Бууцагаан сум дахь хяналтын цэгийн ээлж солих	литр	388.8	1550	602640
		Бууцагаан сум дахь хяналтын цэгт мотор асаах	литр	160	1550	248000
		Нийт шатахууны зардал				1842640
2	Хоол	Өдөрт 3 удаа /16хүн*16хоног/	ширхэг	768	5000	3840000
3	Бусад зардал	Түлээний мод	уут	32	6500	208000
		Нүүрс	кг	960	150	144000
		Нийт бусад зардал				352000
Нийт						6034640